

Na osnovu člana 32. Zakona o javnim nabavkama BiH Sl.glasnik BiH broj 39/14), a nakon provedenog otvorenog postupka nabavke robe: **Sintetička motorna ulja LOT 2151** sa sukcesivnom isporukom za potrebe KJKP „GRAS „ d.o.o.Sarajevo, zaključuje se

#### **OKVIRNI SPORAZUM O NABAVCI ROBE :Sintetička motorna ulja LOT 2151**

##### **Između:**

1. KJKP „GRAS „ d.o.o. SARAJEVO, ul. Srđana Aleksića br.1, koga zastupa V.D.Generalni direktor Jakub Kubur dipl.ing.saob., s jedne strane /u daljem tekstu: Ugovorni organ /
2. „GREEN OIL „ d.o.o. SARAJEVO, ul. Marka Marulića 4, MBS 65-01-0303-11 ( stari broj 1-24201 ), ID BR. 4200851420006, PDV BR. 200851420006,TR. RN. BR.1410010012763037 kod BBI banke , koga zastupa Reko Muhović direktor, s druge strane ( u daljem tekstu: dobavljač )

##### **Član 1.**

Ovim okvirnim sporazumom ugovorene strane regulišu okvirna pitanja vezana za realizaciju nabavke robe: **Sintetička motorna ulja LOT 2151.**

##### **Član 2.**

Predmet ovog sporazuma je sukcesivna nabavka robe: **Sintetička motorna ulja LOT 2151** od dobavljača „ **GREEN OIL „ d.o.o. SARAJEVO** , kojem je dodjeljen Okvirni sporazum Odlukom Ugovornog organa broj 04/48 od 27.1.2020 god. u postupku nabavke robe provedenom po Otvorenom postupku obavještenjem nabavke broj 257-1-1-281-3-236/19 objavljenog na Portalu Agencije za javne nabavke 11.12.2019 god. a dodatno obavještenje o nabavci u Sl. Glasniku BiH br. 81/19 od 13.12.2019 god .

##### **Član 3.**

Dobavljač se obavezuje da će Ugovornom organu isporučiti robu iz člana 1 ovog Sporazuma, pod uslovima i jediničnoj cijeni kao što je naznačeno u prilogu ovog Sporazuma ( Anex 3 – Tehnički podaci i elementi ponude ) koji čine njegov sastavni dio.

Vrijednost nabavke robe po ovom ugovoru iznosi: **76.900,00 KM bez PDV-a**, odnosno **89.973,00 KM sa PDV-om.**

Način plaćanja: 60 dana od dana isporuke robe.

Količine navedene u prilogu ovog sporazuma nisu obavezujuće za Ugovorni organ, tako da isti zadržava pravo na promjenu količine i nabavku samo onih količina koje su mu potrebne.

Okvirni sporazum se zaključuje na period od jedne godine od dana potpisivanja Okvirnog sporazuma, odnosno maksimalne finansijske vrijednosti okvirnog sporazuma navedene u članu 3 stav dva sporazuma.

##### **Član 4.**

Dobavljač se obavezuje da će robu isporučiti Ugovornom organu fco skladište ugovornog organa u roku **7 dana** od prijema pismenog zahtjeva za isporuku (narudžbe).

Dobavljač će isporučivati, a Ugovorni organ preuzimati ugovorenu robu sukcesivno, prema dispoziciji Ugovornog organa, a na temelju narudžbenice za određenu vrstu i količinu robe.

##### **Član 5.**

Kvalitet robe mora odgovarati važećim propisima o kvalitetu robe u BiH.

Dobavljač se obavezuje da će u toku važenja Okvirnog sporazuma isporučivati originalne proizvode proizvođača, decidno se navodi proizvođač za svaku stavku u obrascu Tehnički podaci i elementi ponude ( Napomena ponuđača ),prema izjavi dobavljača koja je sastavni dio Tenderske dokumentacije, a što će dokumentovati uz svaku isporuku robe. Dobavljač daje garanciju na isporučenu robu prema deklaraciji proizvođača.

Kvalitativni i kvantitativni prijem robe iz ovog sporazuma Ugovorni organ se obavezuje obaviti odmah po prijemu i istovaru robe. U slučaju da Ugovorni organ pri prijemu robe utvrdi da roba na bilo koji način ne zadovoljava, istu će odmah vratiti i tražiti isporuku nove u najkraćem mogućem roku.U slučaju da Ugovorni organ naknadno utvrdi razliku u isporučenoj količini ili da roba nije original proizvod ponuđača kojeg je dobavljač naveo u ponudi Ugovorni organ će sačiniti komisijski zapisnik kojeg će najkasnije u roku od tri dana dostaviti dobavljaču radi otklanjanja uočenog nedostatka.Dobavljač se obavezuje da će otkloniti uočene nedostatke u roku od 3 dana po prijemu zapisnika.



**Član 6.**  
Ukoliko dobavljač ne isporuči robu koju je naveo u ponudi, Ugovorni organ zadržava pravo obratiti se sa zahtjevom za isporuku robe sljedećem najpovoljnijem dobavljaču sa kojim ima potpisan okvirni sporazum.

**Član 7.**  
Na osnovu ovog okvirnog sporazuma ugovorne strane će zaključiti pojedinačne ugovore kojima će se bliže regulisati prava i obaveze za realizaciju ovog okvirnog sporazuma. Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi. Sve što nije regulisano ovim sporazumom ili pojedinačnim ugovorom sklopljenim na temelju ovog sporazuma primjenjivat će se odgovarajuće odredbe Zakona o obligacionim odnosima.

**Član 8.**  
Dobavljač je obavezan, prilikom potpisivanja ugovora dostaviti bezuslovnu bankarsku garanciju naplativu na prvi poziv u iznosu od 2 % od ugovorene vrijednosti Okvirnog sporazuma ili mjenicu sa rokom važnosti od dana zaključenja Okvirnog sporazuma do isteka važenja Okvirnog sporazuma + 30 dana.

**Ukoliko Dobavljač, u vrijeme potpisivanja Okvirnog sporazuma, ne dostavi bezuslovnu bankarsku garanciju ili mjenicu iz stava 1. ovog člana, a ugovor se potpiše, primjenjivat će se odredbe člana 125 Zakona o obligacionim odnosima.**

**Član 9.**  
U okviru perioda važenja ovog okvirnog sporazuma koji je naveden u članu 4. stav 2 za pojedinačne nabavke neće se primjenjivati odredbe propisa kojima se uređuje postupak javne nabavke.

**Član 10.**  
Odredbe ovog Okvirnog sporazuma ne mogu se mijenjati nakon njegovog zaključenja u pogledu vrijednosti, dužine trajanja i maksimalnih okvirnih količina navedenih u Tehničkim elementima ponude.

**Član 11.**  
Odredbe ovog okvirnog sporazuma ne mogu se mijenjati nakon njegovog zaključenja.

**Član 12.**  
Ovaj okvirni sporazum stupa na snagu nakon potpisivanja obje ugovorne strane. Ukoliko Dobavljač ne ispunio uslov vezan za garanciju za dobro izvršenje posla u roku regulisanom članom 8 ovog sporazuma smatrat će se da ovaj sporazum nije ni zaključen.

**Član 13.**  
Sve eventualne sporove ugovorne strane će rješavati mirnim putem a ukoliko to nije moguće za rješavanje spora nadležan je Općinski sud u Sarajevu.

**Član 14.**  
Ovaj okvirni sporazum je sačinjen u 1/4 primjerka, od kojih ugovorni organ zadržava tri 1/3, a dobavljač 1/1 primjerak.

ZA VRŠIOCA

DIREKTOR

Reko Muhović



ZA UGOVORNI ORGAN  
V.D. GENERALNI DIREKTOR

Jakub Kubur dipl.ing.saob.

Supotpisnik:

Salko Šehović dipl.ing.saob.

Broj: 98-03/20  
Datum: 06-03-2020

Broj: 3883  
Datum: 04-03-2020